

griseo- et albido-conspurcatis, posticis latitudine basali circiter sextuplo (σ) vel fere septuplo longioribus; tibiis pallide albido-flaventibus, annulis destitutis, spinulis fuscis crassitie tibiae haud longioribus, apicibus tiliarum articularumque tarsorum nigricantibus; ventre magis minusve griseo-consperso, segmento maris genitali ad marginem anticum sinus sinistri aperturae tuberculo minutissimo instructo. σ . Long. $6\frac{1}{2}$, lat. 2; σ brach. Long. $5\frac{1}{2}$, lat. $1\frac{3}{4}$ mm.

Compsocerochoris validus UHLER in litt.

Ft Collins, Col., m. julii, commun. D. VAN DUZEE.

Praecedenti colore signaturisque sat similis, antennis aliter coloratis et multo robustioribus, articulo earum primo incrassato, setis rigidis destituto mox distinguendus.

Phytocoris palmeri n. sp.

Elongatus, sordide albido-canescens, fusco- et nigricanti-variegatus; pronoto lateribus (postice latius) fasciaque tenui ante marginem albidum basalem nigricantibus, disco linea tenui media longitudinali vittisque posticis lateralibus fuscis vel nigricantibus, scutello nigro, nitidulo, angulis basalibus lineaque a medio usque in apicem ducta albidis; hemielytris clavo, vitta interiore percurrente corii apiceque cunei nigricantibus, margine scutellari clavi commissuraeque sordide albidis; membrana dense et minute nigricanti- et albido-conspersa, venis sordide albidis; pectore ventreque maximam ad partem nigricantibus; antennis nigricantibus, articulo primo lineari, pronoto tertiaeque parti capitis aequae longo et margine basali pronoti parum brevioris, oculo a supero viso magis quam dimidio angustiore, albido-variegato, setis rigidis albis crassitie articuli aequae longis, secundo extrema basi anguste nigro, dein annulo angusto subbasali alioque infra medium albidis; pedibus longis, gracilibus, albidis, femoribus nigricantibus, anterioribus basin versus albolineatis, posticis latitudine basali fere septuplo longioribus, basi albidis, apicem versus albido-conspurcatis, tibiis basi, apice annulisque tribus nigricantibus, tarsis nigricantibus; capite basi pronoti circiter $\frac{1}{4}$ angustiore, a supero viso pronoto circiter $\frac{1}{4}$ et latitudine sua postica paullo brevioris, vertice (σ) oculo aequae lato; capite (σ) ab antico viso latitudini posticae vix aequae longo, a latere viso altitudini basali aequae longo, parum nutante, gula horizontali; oculis maris magnis, convexis, prominentibus, a supero visis orbicularibus; pronoto latitudine basali circiter $\frac{2}{5}$ brevioris, apice quam basi dimidio angustiore, lateribus rectis, disco apicem versus leviter declivi; hemielytris abdomen longe superantibus; segmento maris genitali ad sinum sinistrum aperturae mutico. σ . Long. 7, lat. $1\frac{3}{4}$ mm.

Quinze Lk., PQ., d. 14 augusti 1907, D. W. J. PALMER, commun. D. VAN DUZEE.

Statura, magnitudine coloreque *Ph. angustulo* n. sp. sat similis, differt autem antennis distincte paullo minus gracilibus, articulo earum secundo extrema basi nigricante, colore insigni scutelli membranaeque dense albido-conspurcata venis totis sordide albidis; a *Ph. canescente* n. sp. et *lineato* n. sp. colore pronoti et scutelli, a *Ph. valido* (UHL.) adhuc articulo antennarum primo multo graciliore mox distinguendus.

Phytocoris antennalis n. sp.

Elongatus, nigro-fuscus vel obscure fusco-fumatus, leviter nitidulus, pronoto linea media longitudinali partis apicalis obsolete albida, margine basali tenuiter albo, maculis quatuor dense nigro-pilosellis signato; scutello concolore vel apice sat obsolete albido; corio interdum apicem versus subhyalino, angulo exteriori apicali corii, apice extremo cunei striolisque duabus suturae membranae nigris; membrana aequaliter obscure fumata, venis obscure fuscis,